

Na osnovu člana 15. Zakona o principima lokalne samouprave (Službene novine Federacije Bosne i Hercegovine“, broj 49/06 i 51/09) i člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14, 3/15, 7/15 i 12/15), Gradonačelnik Grada Tuzle, donosi

ODLUKU

o izmjenama i dopunama Odluke o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji

Član 1.

(1) U Odluci o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19), u članu 6. stav 1. riječi „u sredstvima informisanja (dnevnim novinama) i“ brišu se.

(2) U stavu 2. istog člana riječi „u sredstvima informisanja“ zamjenjuju se riječima „na zvaničnoj web stranici Grada Tuzle“.

Član 2.

(1) U članu 7. stav 2. iza tačke g) dodaje se tačka h) koja glasi:

„h) izjava o partnerstvu potpisana od strane aplikanta i partnera na realizaciji projekta (ukoliko je predviđena realizacija projekta u partnerstvu)“. Dosadašnja tačka h) postaje tačka i).

(2) U stavu 3. istog člana, u tački e) iza riječi „30 dana“ dodaju se riječi „od dana objave javnog poziva“.

Član 3.

U članu 12. stav 2. mijenja se i glasi:

„Za svaki od kriterija pojedinačno Komisija dodjeljuje usaglašen broj bodova u rasponu od 1 do 5 na sljedeći način: 1 – veoma loše; 2 – loše; 3 – odgovarajuće; 4 – dobro i 5 – veoma dobro. Ukupan broj bodova za prijedlog projekta predstavlja zbir bodova po svim kriterijima dodijeljenim u obrascu za ocjenjivanje.“

Član 4.

Ostale odredbe Odluke ostaju na snazi.

Član 5.

Ova Odluka stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski Kanton
GRAD TUZLA
GRADONAČELNIK
Broj: 02/11-A-6050-2021
Tuzla, 27.4.2021. godine



OBRAZLOŽENJE

Odluke o o izmjenama Odluke o načinu raspoređivanja finansijskih sredstava iz Budžeta Grada Tuzle neprofitnim organizacijama po LOD metodologiji

I - Pravni osnov za donošenje Odluke

Pravni osnov za donošenje ove Odluke sadržan je u odredbama člana 15. Zakona o principima lokalne samouprave („Službene novine Federacije BiH“, broj 49/06 i 51/09) kojima su propisane nadležnosti gradonačelnika kao organa odlučivanja jedinice lokalne samouprave i odredbama člana 7. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Općine Tuzla“, broj 1/14, 3/15, 7/15 i 12/15) kojima su propisane nadležnosti Gradonačelnika Grada Tuzla.

II - Razlozi za donošenje Odluke i pojašnjenje odredbi

Izmjene i dopune Odluke o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19), donose se u cilju izmjena i dopuna u proceduri po javnom pozivu za dodjelu sredstava te uštede finansijskih sredstava za objavu javnog poziva. Shodno tome, izmjenama člana 6. Odluke, a zbog uštede finansijskih sredstava, predviđeno je da se javni poziv ne objavljuje u dnevnim novinama nego samo na internet stranici Grada Tuzle (grad.tuzla.ba). U dopuni člana 7. stav 2. propisano je da prijava, pored predviđenih dokumenata, treba sadržavati i izjavu o partnerstvu potpisanu od strane aplikanta i partnera na realizaciji projekta, ukoliko je realizacija projekta predviđena u partnerstvu. U stavu 3. istog člana. precizirano je da će se starost uvjerenja o izmirenim obavezama prema javnim prihodima određivati u odnosu na dan objave javnog poziva.

III - Finansijska sredstva

Za realizaciju ove Odluke nisu potrebna dodatna finansijska sredstva iz Budžeta Grada Tuzle.

OBRAĐIVAČ:
**Služba za kulturu, sport, mlade
i socijalnu zaštitu**